



Ո Ր Ո Շ ՈՒ Մ

ՎԱՐՈՒՅԹԻ ԱՌԱՐԿԱՅԱԿԱՆ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

17 ապրիլի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԵԴՆ/0591/01/24 (ՀԿԴ/0049/01/23) քրեական վարույթի ընդդատության հարցը լուծելու համար ՀՀ Վճռաբեկ դատարանի նախագահին ուղարկելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի ապրիլի 2-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2023 թվականի ապրիլի 10-ին Հակակոռուպցիոն դատարանում ստացվել է Վարդգես Հայկի Չրիկյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 266-րդ հոդվածի 3-րդ մասի 2-րդ կետով, 190-րդ հոդվածի 3-րդ մասի 1-ին կետով և Լիա Ռուստամի Չրիկյանի վերաբերյալ ՀՀ քրեական օրենսգրքի 38-190-րդ հոդվածի 3-րդ մասի 1-ին կետով թիվ 69108023 (ՀԿԴ/0049/01/23) քրեական վարույթը:

1.1. Հակակոռուպցիոն դատարանը 2023 թվականի ապրիլի 14-ին որոշում է կայացրել թիվ ՀԿԴ/0049/01/23 քրեական վարույթը ստանձնելու և 2023 թվականի ապրիլի 20-ին նախնական դատալսումներ նշանակելու մասին:

1.2. Հակակոռուպցիոն դատարանը 2023 թվականի օգոստոսի 14-ին որոշում է կայացրել թիվ ՀԿԴ/0049/01/23 քրեական վարույթով հիմնական դատալսումներ նշանակելու մասին:

1.3. Հակակոռուպցիոն դատարանը 2024 թվականի մարտի 16-ին՝ հիմնական դատալսումների ընթացքում, որոշում է կայացրել քրեական վարույթն ըստ առարկայական ընդդատության Երևան քաղաքի առաջին ատյանի ընդհանուր իրավասության քրեական դատարան փոխանցելու մասին:

2. Երևան քաղաքի առաջին ատյանի ընդհանուր իրավասության քրեական դատարանը 2024 թվականի ապրիլի 2-ին որոշում է կայացրել թիվ ԵԴ1/0591/01/24 (ՀԿԴ/0049/01/23) քրեական վարույթը Վճռաբեկ դատարանի նախագահին ուղարկելու մասին՝ ընդդատության հարցը լուծելու համար:

3. Քրեական վարույթը Վճռաբեկ դատարանում ստացվել է 2024 թվականի ապրիլի 8-ին:

Ընդդատության հարցը լուծելու համար էական նշանակություն ունեցող փաստական հանգամանքները.

4. 2023 թվականի մարտի 30-ի որոշմամբ Վարդգես Հայկի Չրիկյանի նկատմամբ ՀՀ քրեական օրենսգրքի 266-րդ հոդվածի 3-րդ մասի 2-րդ կետով և 190-րդ հոդվածի հոդվածի 3-րդ մասի 1-ին կետով հանրային քրեական հետապնդում է հարուցվել այն բանի համար, որ «*նա խախտելով «Թմրամիջոցների և հոգեմեկր /հեզներգործուն/ նյութերի մասին» ՀՀ օրենքի և ՀՀ կառավարության 2010 թվականի մարտի 18-ի «Թմրամիջոցների և հոգեմեկր (հոգեներգործուն) նյութերի և դրանց պրեկուրսորների շրջանառության կանոնները սահմանելու մասին» թիվ 270-Ն որոշման պահանջները, թմրամիջոցների ապօրինի իրացմամբ զբաղվելու նպատակով 2019 թվականի նոյեմբերից համացանցի «Telegram» հեռահաղորդակցման հավելվածում սրեղծել և կառավարել է «Shoko.178», «Shoko 178» և գրեթե նույնանուն այլ առցանց խանութ-հարթակներ, դրանցում որպես*

վաճառվող թմրամիջոցների համար գումարի սրացման վճարային գործիք փրկադրել է այլ անձանց անուններով գրանցված, սակայն իր կողմից կառավարվող էլեկտրոնային դրամապանակների վերաբերյալ փրկելիավություն և 2019-2021թթ.. ընթացքում նշված խանութ հարթակների միջոցով փարբեր անձանց ապօրինի իրացրել է առանձնապես խոշոր չափերով՝ առնվազն 162 գրամ «MDMB-2201 (5F-MDMB-PICA)» փեսակի թմրամիջոց և իրացման նպատակով ապօրինի շրջանառել է 0,2 գրամ «Մեթամֆետամին» փեսակի թմրամիջոց:

Թմրամիջոցների իրացումից սրացված առանձնապես խոշոր չափերով ֆինանսական միջոցների՝ 53.479.443 ՀՀ դրամի, հանցավոր ծագումը, դրանց իրական բնույթը թաքցնելու, հանցավոր ճանապարհով սրացված ֆինանսական միջոցների փրկաշարժն ու փրկաբաշխումը քողարկելու, սրացված դրամական միջոցներին օրինական փեսք հաղորդելու նպատակով նշված գումարները փոխանցվել են փարբեր անձանց անուններով գրանցված, սակայն Վարդգես և Լիա Չրիկյանների կողմից փաստացի կառավարվող ինչպես օտարերկրյա, այնպես էլ ՀՀ-ում գրանցված փարաբեասակ էլեկտրոնային դրամապանակներին, որից հետո նույն եղանակով դրանք փոխանցվել են Վարդգես և Լիա Չրիկյանների էլեկտրոնային դրամապանակներին, ինչպես նաև կանխիկացվել կամ այլ կերպ փոխանցվել է Վարդգես Չրիկյանի կողմից:

Վարդգես Չրիկյանն ապահովել է, որ վերը նշված առանձնապես խոշոր չափերով թմրամիջոցներն առանձնացվեն ըստ քաշերի, փաթեթավորվեն և նախապես փրկադրվեն Երևան քաղաքում գտնվող թաքսոցներում, որից հետո թմրամիջոցների գտնվելու վայրերը լուսանկարահանվել են, ծրագրային հավելվածի միջոցով նշվել են դրանց գտնվելու վայրերի աշխարհագրական կոորդինատները և ուղարկվել Վարդգես Չրիկյանի կողմից կառավարվող փրկագրամյան «Shoko.178», «Shoko 178» և գրեթե նույնանուն առցանց այլ խանութ-հարթակների միջոցով թմրամիջոց ձեռք բերելու ցանկություն հայտնաբերած, թմրամիջոցների արժեքի և ձեռք բերման պայմանների շուրջ նամակագրություններ վարած անձանց, որոնց հետ համաձայնության գալուց հետո թմրամիջոցի համապատասխան չափաբաժնի արժեքը կազմող գումարը պահանջվել է փոխանցել Վարդգես Չրիկյանի կողմից արեղծված և կառավարվող «Qivi» համակարգի +79876607604 համարի

Էլեկտրոնային դրամապանակին կամ Վարդգես Չրիկյանի և նրա կնոջ՝ Լիա Չրիկյանի, ինչպես նաև նրանց հարևան Վիգեն Հովհաննիսյանի անվամբ գրանցված, սակայն փաստացի Վարդգես Չրիկյանի կողմից կառավարվող «Բորամ» վճարահաշվարկային համակարգում բացված էլեկտրոնային դրամապանակներին: Վարդգես Չրիկյանի հաշվին գումարի մուտքագրման փաստը հաստատող անդորրագրի լուսանկարները գնորդների կողմից փոխանցվելուց հետո նրանց է ուղարկվել արդեն իսկ Երևան քաղաքում գրանցվող թաքստոցներում նախապես տեղադրված «MDMB-2201 (5F-MDMB-PICA)» տեսակի թմրամիջոցների տեղակայման լուսանկարները՝ ճշգրիտ աշխարհագրական կոորդինատներով: Եշված եղանակով Վարդգես Չրիկյանի կողմից առանձնապես խոշոր չափերով՝ առնվազն 162 գրամ «MDMB-2201 (5F-MDMB-PICA)» տեսակի թմրամիջոց է ապօրինի իրացվել Եվեր Հարությունյանին, Հրաչ Մկրտիչյանին, Մանաս Մկրտչյանին, Գնել Ալոյանին, Արսեն Գրիգորյանին, Հարություն Գրիգորյանին, Սարգիս Սահակյանին, Սուսի Թարխանյանին, Սերիկ Փանոսյանին, Ռոբերտ Մարությանին, Վաղինակ Պետրոսյանին, Զիվան Շահվերդյանին և Էդգար Գրիգորյանին:

Եշված անձանցից Եվեր Հարությունյանին և Հրաչ Մկրտիչյանին 2019թ. դեկտեմբերի 11-ին և 12-ին Վարդգես Չրիկյանն ապօրինի կերպով իրացրել է նրանց կողմից պարվիրված «MDMB-2201 (5F-MDMB-PICA)» տեսակի թմրամիջոցի 2 փաթեթ, որից 1 փաթեթն ամբողջությամբ օգտագործել են, իսկ երկրորդ փաթեթում առկա թմրամիջոցի մի մասն օգտագործելուց հետո մնացած 0,504 գրամի «5F-MDMB-PICA» տեսակի թմրամիջոցը Եվեր Հարությունյանը ապօրինի պահել է իր կողմից շահագործվող «Լադա Պրիորա» մակնիշի 36 QU 383 հաշվառման համարանիշի ավտոմեքենայում, ինչն էլ հայտնաբերվել է ավտոմեքենայի խուզարկությամբ:

Բացի այդ, 2021 թվականի հոկտեմբերի 7-ին ՀՀ ոստիկանության պարեկային ծառայության աշխատակիցները Երևան քաղաքի Շիրակի փողոցի 2 հասցեի մոտակայքում պարզաբանումներ կատարելու նպատակով մտրեցել են «Honda» մակնիշի 36 MS 990 համարանիշի ավտոմեքենային, որի վարորդ Վարդգես Չրիկյանի հետ ունեցած խոսակցության ընթացքում վերջինս իր ձեռքին եղած դրամապանակից հանել և ներել է ապօրինի իրացման նպատակով նախապես ձեռք բերված ընդհանուր 0.2 գրամ քաշով «Մեթամֆետամին» տեսակի թմրամիջոց, ինչն

էլ հայտնաբերվել է 2021 թվականի հոկտեմբերի 7-ին կատարված դեպքի վայրի զննությամբ:

(...)

Բացի այդ, Վարդգես Չրիկյանը թմրամիջոցների իրացումից սրացված առանձնապես խոշոր չափերով ֆինանսական միջոցների՝ 53.479.443 ՀՀ դրամի, հանցավոր ծագումը, դրա իրական բնույթը թաքցնելու, հանցավոր ճանապարհով սրացված ֆինանսական միջոցների տեղաշարժն ու տեղաբաշխումը քողարկելու, սրացված դրամական միջոցներին օրինական տեսք հաղորդելու նպատակով նշված գումարները փոխանցել է փարբեր անձանց անուններով գրանցված, սակայն իր և կնոջ՝ Լիա Չրիկյանի կողմից փաստացի կառավարվող ինչպես օտարերկրյա, այնպես էլ ՀՀ-ում գրանցված փարսպեասակ էլեկտրոնային դրամապանակներին, որից հետո նույն եղանակով դրանք փոխանցել է իր և կնոջ էլեկտրոնային դրամապանակներին, ինչպես նաև կանխիկացրել կամ այլ կերպ տնօրինել է դրանք:

Վարդգես Չրիկյանը 2019-2020թթ.. ընթացքում «Instagram» և «Telegram» հեռահաղորդակցման հավելվածներում սրեղծել և կառավարել է թմրամիջոցների վաճառքի իրականացման վերաբերյալ գովազդներ, պարկերներ և արժեքներ պարունակող համապարաստիանսարար «Shoko.178», «Shoko 178» և գրեթե նույնանուն անհատական էջերը և դրանց միջոցով իրականացնելով թմրամիջոցների ապօրինի վաճառք՝ որպես թմրամիջոցը սրանալու համար համապարաստիան գումարի փոխանցման հաշվեհամար նշել է Ռուսաստանի Դաշնության փարածքում գործող և այդ երկրի քաղաքացու անվամբ գրանցված, սակայն փաստացի իր կողմից սրեղծված և կառավարվող «Qiwı» համակարգի +79876607604 դրամապանակի, Վիգեն Հովհաննիսյանի անվամբ «Իդրամ» վճարահաշվարկային համակարգում նույնականացված, սակայն փաստացի իր կողմից կառավարվող 441636567, 127242790 և 599783767 համարների էլեկտրոնային դրամապանակների, ինչպես նաև իր և իր կնոջ՝ Լիա Չրիկյանի անվամբ նույն վճարահաշվարկային համակարգում նույնականացված էլեկտրոնային դրամապանակների տվյալներ:

Համացանցի վերը նշված հարթակների միջոցով իրականացված թմրամիջոցների ապօրինի վաճառքի արդյունքում «Qiwı» համակարգի +79876607604 դրամապանակին 12.11.2019թ. մինչ 24.04.2020թ. ընկած

ժամանակահատվածը փոխանցումների արդյունքում սրացվել է 2.326.898 ՌԴ ռուբլուն համարժեք 15.822.906 ՀՀ դրամ, որից ընդհանուրը՝ 2.020.337 ՌԴ ռուբլուն համարժեք 13.738.291 ՀՀ դրամը հետագայում առցանց փոխանցումների միջոցով փոխանցվել է Հայաստանի Հանրապետության փարածքում գործող «Բորամ» վճարահաշվարկային համակարգում 094522725 հեռախոսահամարով նույնականացված և Վարդգես Չրիկյանի անունով նույնականացված 139966385 նույնացման համարի դրամապանակին և հետագայում կանխիկացվել Վարդգես Չրիկյանի կամ նրա ընտանիքի անդամների կողմից կամ փոխանցվել վերջիններիս հետ փոխկապակցված անձանց «Բորամ» համակարգի հաշիվներին և փարբեր քանկային քարտերին:

Բացի այդ, Վարդգես և Լիա Չրիկյանները, թմրամիջոցների վաճառքի արդյունքում գումարների սրացման համար, 2019-2020 թվականների ընթացքում «Բորամ» վճարահաշվարկային համակարգում իրենց անվամբ սրեղծել են թվով 32 դրամապանակներ, որոնք գործել են փարբեր հաշորդականությամբ: Մասնավորապես՝ 2019 թվականի օգոստոս-դեկտեմբեր ամիսներին Վարդգես Չրիկյանի կողմից տեղեզրամյան ալիքի միջոցով իրացված թմրամիջոցի ձեռքբերման համար «Բորամ» վճարահաշվարկային համակարգում վերջինիս անվամբ նույնականացված 224296207 համարի դրամապանակին միայն վճարային տերմինալներով կատարված փոխանցումներով սրացվել է 8.752.483 ՀՀ դրամ, որից 7.713.320 ՀՀ դրամը հետագայում կանխիկացվել է Վարդգես Չրիկյանի և Լիա Չրիկյանի կողմից:

Այնուհետև, 2020 թվականի մայիս-օգոստոս ամիսների ընթացքում թմրամիջոցների ապօրինի վաճառքի արդյունքում փարբեր անձանց կողմից ինչպես առցանց, այնպես էլ վճարային տերմինալներից կատարված փոխանցումներով Վիգեն Հովհաննիսյանի անվամբ նույնականացված և Վարդգես Չրիկյանի կողմից կատարվարվող «Բորամ» վճարահաշվարկային համակարգի 441636567 համարի դրամապանակին փոխանցվել է 35.230.365 ՀՀ դրամ գումար, որից 654.000 ՀՀ դրամը կանխիկացվել է վերջինիս կամ նրա կնոջ՝ Լիա Չրիկյանի կողմից, 31.995.686 ՀՀ դրամը փոխանցվել է նույն համակարգում Վարդգես Չրիկյանի անվամբ նույնականացված 176321218 համարի դրամապանակին, ինչից հետո 176321218

համարի դրամապանակին փոխանցված գումարներից 29.769.000 ՀՀ դրամը ևս կանխիկացվել է Վարդգես Չրիկյանի և Լիա Չրիկյանի կողմից կամ փոխանցվել փարբեր բանկային հաշիվների:

Բացի այդ, 2020 թվականի օգոստոս-հոկտեմբեր ամիսներին Վարդգես Չրիկյանի կողմից թմրամիջոցների վաճառքի արդյունքում գումարների սրացման համար սկսել է օգտագործվել կրկին Վիգեն Հովհաննիսյանի անվամբ նույնականացված և Վարդգես Չրիկյանի կողմից կառավարվող «Իդրամ» վճարահաշվարկային համակարգի 127242790 համարի դրամապանակը, որին կրկին փարարնույթ փոխանցումներով սրացվել է 4.082.291 ՀՀ դրամ, որից 2.258.835 ՀՀ դրամը հետագայում փոխանցվել է նույն համակարգում Լիա Չրիկյանի անվամբ նույնականացված 702240564 համարի դրամապանակին, որից հետո վերոնշյալ դրամապանակին սրացված գումարներից 471.150 ՀՀ դրամը կանխիկացվել է Լիա Չրիկյանի և Վարդգես Չրիկյանի կողմից, 626.500 ՀՀ դրամը փոխանցվել է բանկային քարտերի, իսկ մյուս մասով կատարվել են առօրյա փարատեսակ վճարումներ կամ փոխանցումներ (...):»¹:

5. Հակակոռուպցիոն դատարանը 2024 թվականի մարտի 16-ի որոշմամբ արձանագրել է հետևյալը. «(...) «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած ՀՕ-31-Ն ՀՀ օրենքի համաձայն՝ ՀՀ քրեական օրենսգրքի հավելված 1-ում «Հոդված 296. Փողերի լվացումը» բառերը փոխարինվել է «Հոդված 296. 3-րդ մաս, 2-րդ կետ. Փողերի լվացումը՝ իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով» բառերով, ինչի արդյունքում սույն գործով մեղադրյալ Վարդգես Չրիկյանին վերագրվող փողերի լվացումն այլևս չի հանդիսանում կոռուպցիոն հանցանք, ընդգրկված չի ՀՀ քրեական օրենսգրքի հավելված 1-ում, ուստի սույն քրեական գործն այլևս ընդդարյալ չէ ՀՀ հակակոռուպցիոն դատարանին:

¹ Տե՛ս քրեական վարույթ, հատոր 8, թերթեր 41-45:

Վերը նշված հանգամանքները հաշվի առնելով՝ 2024 թվականի մարտի 16-ին՝ դատական նիստի ժամանակ, Գալստյանը վարույթի մասնակիցների հետ քննարկելով գործի քննությունը ՀՀ հակակոռուպցիոն դատարանում շարունակելու հարցը.

Հանրային մեղադրողը հայտարարել է, որ չի առարկում, որպեսզի գործի քննությունը շարունակվի նույն դատարանում:

Մեղադրյալների պաշտպան Գարիկ Գալիկյանը հայտարարել է, որ Վարդգես Չրիկյանին և Լիա Չրիկյանին վերագրվող հանցանքները կոռուպցիոն չեն, հետևաբար Հակակոռուպցիոն դատարանն այլևս պարզաճ դատարան չէ, հետևաբար առարկում է, որպեսզի գործի քննությունը շարունակվի Հակակոռուպցիոն դատարանի կողմից:

Մեղադրյալներ Վարդգես Չրիկյանը և Լիա Չրիկյանը հայտարարել են, որ համաձայն են իրենց պաշտպանի հետ:

Մեղադրյալներ Վարդգես Չրիկյանին և Լիա Չրիկյանին վերագրվող ենթադրյալ հանցանքները կարարվել են Երևան քաղաքում:

Եկարի ունենալով, որ սույն գործով մեղադրյալները և նրանց պաշտպանն առարկել են վարույթը շարունակել ՀՀ հակակոռուպցիոն դատարանում, ուստի սույն քրեական գործն առարկայական և փարածքային ընդդատության կանոններին համապատասխան պետք է փոխանցել Երևան քաղաքի առաջին արյանի ընդհանուր իրավասության քրեական դատարան (...)²:

6. Երևան քաղաքի առաջին ատյանի ընդհանուր իրավասության քրեական դատարանը 2024 թվականի ապրիլի 2-ի որոշմամբ արձանագրել է հետևյալը. «(...) Գալստյանը փաստում է, որ ՀՀ հակակոռուպցիոն դատարանը գործն ըստ առարկայական ընդդատության ուղարկելու մասին որոշում չէր կարող կայացնել այն պարճառարանությամբ, որ ընդդատության կանոնների պահպանմամբ վարույթ ընդունված քրեական գործի (հիշյալ քրեական գործով դատավոր՝ Վ.Դովմագյանը 2023 թվականի ապրիլի 12-ին որոշում է կայացրել ՀԿԴ/0049/01/23 քրեական գործի վարույթը սրանձնելու և 2023 թվականի ապրիլի 20-ին նախնական դատախազներ

² Տե՛ս քրեական վարույթ, հատոր 10, թերթեր 197-201:

նշանակելու մասին) ընդդարձությունը փոխադրում չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից: Այսինքն՝ Գաբարյանը գրնում է, որ գործի քննության ընթացքում քրեական օրենսգրքի համապատասխան հավելվածում փոփոխությունների դեպքում վարույթները չպետք է փոխանցեն ըստ ընդդարձության, քանի որ դրանք դադարանի կողմից ստանալու պահին եղել են ճիշտ ընտրված ընդդարձությամբ, և կանխավարկածը պետք է լինի գործի քննության շարունակությունը փոխադրում, այլ ոչ թե այն ըստ ընդդարձության փոխանցելը:

(...)

ՀՀ գործող քրեական դատավարության օրենսգրքի 263-րդ հոդվածի վերլուծությունից ակնհայտ է, որ հոդվածի 1-ին մասը վերաբերում է նախնական դատալսումների փուլում այն դեպքերին, երբ դադարանը 1-ին անգամ քննարկում է քրեական վարույթի ընդդարձության հարցը: Իսկ այն դեպքերում, երբ դադարանն արդեն իսկ արձանագրել է, որ վարույթն ընդդարձա է փոխադրանին, կարող է վարույթն ըստ ընդդարձության փոխանցել միայն նույն հոդվածի 2-րդ մասով նախատեսված դեպքում, այն է՝ եթե հիմնական դատալսումների ընթացքում ի հայտ են գալիս այնպիսի փաստեր, որոնց հիման վրա վարույթը ենթակա է փոխանցման ըստ ընդդարձության:

Գաբարյանի գնահատմամբ՝ օրենսդրի նման ձևակերպումից ակնհայտ է դառնում, որ նշված կարգավորումը որևէ կերպ չի կարող միանշանակ վերաբերելի լինել այն դեպքերին, երբ քրեական օրենսգրքի համապատասխան հավելվածում փոփոխություն է կատարվում:

ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտնող ՀՕ-31-Ն ՀՀ օրենքը չի նախատեսում անցումային դրույթ, ըստ որի դադարանների վարույթում գրնվող նախկին կոռուպցիոն բնույթի հանցագործությունների վերաբերյալ վարույթները պետք է փոխանցվեն ըստ ընդդարձության: Գաբարյանն ընդգծում է, որ ի տարբերություն օրենսդրության փոփոխության նախկին դեպքերի, երբ օրենսդիրն անցումային դրույթի ուժով կարգավորել էր գործերի փոխանցումը ՀՀ հակակոռուպցիոն դատարան, այս

դեպքում նման նորմ չի նախատեսել, ինչը հիմք է տալիս գալ հիմնավոր այն եզրահանգման, որ օրենսդրի կամքն եղել է հիշյալ քրեական վարույթների քննությունը գործը սրացած դատարանում մնալը: Հակառակ դեպքում հնարավոր է սրեղծվի մի իրավիճակ, երբ փարբեր ժամանակներում իրականացված օրենսդրական փոփոխությունների արդյունքում քրեական գործը կհայտնվի անվերջ «շրջապտույտի» մեջ: Օրինակ՝ դատարանում ավարտական փուլում (դատական վիճաբանություններ կամ եզրատակիչ ելույթներ) գրանվող քրեական գործը զույր օրենսդրական փոփոխություններից ելնելով առարկայական ընդդատությամբ ուղարկվի այլ դատարան, իսկ որոշ ժամանակ անց՝ նույն հիմնավորումներով վերադարձվի այն ուղարկած դատարան:

Հիմք ընդունելով վերը նշվածը՝ Դատարանը վերահաստատում է իր մտերեցումը, որ առարկայական ընդդատության ենթակա գործերի ցանկում փոփոխության դեպքում գործում է ճիշտ ընդդատությամբ գործը սրացած դատարանի կողմից գործի քննությունը շարունակելու կանխավարկածը, եթե այլ բան նախատեսված չէ ընդունված նոր օրենքով:

Ավելին՝

ՀՀ քրեական դատավարության օրենսգրքի 483-րդ հոդվածի 23-րդ մասի համաձայն՝ սույն օրենսգրքի 260-րդ հոդվածի 1-ին մասի՝ Հայաստանի Հանրապետության քրեական օրենսգրքի նախատեսված կոռուպցիոն հանցանքների վերաբերյալ վարույթների բացառության մասով, 261-րդ հոդվածի 7-րդ մասի և 262-րդ հոդվածի 2-րդ մասի ուժի մեջ մտնելով պայմանավորված՝ Հայաստանի Հանրապետության առաջին արյանի ընդհանուր իրավասության դատարանների վարույթում գրանվող կոռուպցիոն հանցանքների վերաբերյալ գործերի (վարույթների) վերաբաշխումն իրականացվում է ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» 2021 թվականի ապրիլի 14-ի ՀՕ-331-Ն սահմանադրական օրենքի 19-րդ հոդվածով սահմանված կարգով և դեպքերում:

««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» 2021 թվականի ապրիլի 14-ի ՀՕ-331-Ն սահմանադրական օրենքի անցումային դրույթները

սահմանող 19-րդ հոդվածի 24-րդ մասը սահմանում է. «Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված գործերը ենթակա չեն վերաբաշխման հակակոռուպցիոն դատարանին, եթե փվյալ գործով անցում է կատարվել դատաքնության փուլ:»:

Դատարանն արձանագրում է, որ թեև մեջբերված հոդվածների վերլուծությունից ակնհայտ է, որ դրանք վերաբերում են առաջին արյանի ընդհանուր իրավասության դատարանների վարույթում գրնվող կոռուպցիոն բնույթի քրեական գործերի վերաբաշխմանը, սակայն ուշադրության է արժանի այն հանգամանքը, որ օրենքը հստակ սահմանել է, որ այն քրեական գործերը, որոնցով անցում է կատարվել դատաքնության փուլ, ենթակա չէ վերաբաշխման: Նույն փրամաբանությամբ, հակակոռուպցիոն դատարանում գրնվող քրեական գործերը, որոնցով անցում է կատարվել դատաքնության փուլ չի կարող վերաբաշխվել և փոխանցվել առաջին արյանի ընդհանուր իրավասության դատարան:

Հարկ է փաստել նաև, որ առաջին արյանի ընդհանուր իրավասության քրեական դատարանում գրնվող բազմաթիվ կոռուպցիոն բնույթի քրեական գործեր դատաքնության փուլ անցած լինելու հիմնավորումներով չեն փոխանցվել ՀՀ հակակոռուպցիոն դատարան:

Դատարանը փաստում է, որ թիվ ՀԿԴ/0049/01/23 քրեական գործով ՀՀ հակակոռուպցիոն Դատարանը անցում է կատարել հիմնական դատալսումների փուլ (հիմքը՝ 2023 թվականի օգոստոսի 14-ի որոշում հիմնական դատալսումներ նշանակելու մասին՝ հարոր 9-րդ, գ.թ. 145), և ՀՀ հակակոռուպցիոն դատարանը չի հիմնավորել, որ հիմնական դատալսումների ընթացքում ի հայտ են եկել այնպիսի փաստեր (ինչպես արդեն հիմնավորվել է՝ փվյալ պարագայում քրեական վարույթի ընթացքում օրենսդրական փոփոխությունը չի կարող նշված նորմի իմաստով համարվել ընդդատությունը փոխելու համար հիմք հանդիսացող փաստի ի հայտ գալ), որոնց հիման վրա վարույթը ենթակա է փոխանցման ըստ ընդդատության:

Հետևաբար, Դատարանը գրնում է, որ փվյալ դեպքում առարկայական ընդդատության կանոններով քրեական գործը ՀՀ հակակոռուպցիոն դատարանը չէր

կարող փոխանցել առաջին ատյանի ընդհանուր իրավասության քրեական դատարան (...)³:

Սույն որոշման հիմնավորումները և եզրահանգումը.

7. Սույն վարույթով բարձրացված իրավական հարցը հետևյալն է. հիմնավոր է արդյոք Երևան քաղաքի առաջին ատյանի ընդհանուր իրավասության քրեական դատարանի հետևությունն այն մասին, որ թիվ ԵԴՆ/0591/01/24 (ՀԿԴ/0049/01/23) քրեական վարույթը ենթակա չէր փոխանցման առաջին ատյանի ընդհանուր իրավասության դատարան:

8. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

9.1. Մարդու իրավունքների եվրոպական դատարանը, *«օրենքի հիման վրա սրեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»⁴:*

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. *«Ներպետական դատական արյանները դատավարական կանոնները կիրառելիս պետք է ձեռնպահ*

³ Տե՛ս քրեական վարույթ, հատոր 10, թերթեր 217-222:

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

մասն դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

10. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) *Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրբեղծված դատարանն ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)*

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁶:

11. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետը՝ առաջին արյանի ընդհանուր իրավասության դատարան) ընդդատյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդատյա են հակակոռուպցիոն դատարանին»:*

ՀՀ քրեական դատավարության օրենսգրքի 263-րդ հոդվածի համաձայն՝ *«1. Նախնական դատալսումների ընթացքում պարզելով, որ տվյալ վարույթն ընդդատյա չէ իրեն, դատարանն այն որոշմամբ անհապաղ փոխանցում է ըստ ընդդատության»:*

(...)

5. Վարույթն ըստ ընդդատության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատալսումներ նշանակելը ետօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդատությանը:

(...)

8. Սույն հոդվածի 5-րդ մասով նախատեսված դեպքում Վճարելի դատարանի նախագահը, Վճարելի դատարանի քրեական և հակակոռուպցիոն պալատների նախագահները վարույթը Վճարելի դատարանում սրանալու պահից տասնօրյա ժամկետում վերջնականապես լուծում են վարույթի առարկայական ընդհանրության հարցը՝ ընդհանուր թվի ձայների մեծամասնությամբ ընդունված որոշմամբ: Զվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

12.1. «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի համաձայն՝ «Օրենսգրքի հավելված N 1-ում՝

1) «Հոդված 296. Փողերի լվացումը» բառերը փոխարինել «Հոդված 296. 3-րդ մաս, 2-րդ կետ. Փողերի լվացումը՝ իշխանական կամ ծառայողական լիազորությունները կամ դրանցով պայմանավորված ազդեցությունն օգրագործելով» բառերով (...):»:

«Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերի համաձայն՝ «23. (...) Հայաստանի Հանրապետության առաջին արյանի ընդհանուր իրավասության դատարաններին ենթակա (...) կոռուպցիոն հանցագործությունների վերաբերյալ գործերը վերաբաշխվում են հակակոռուպցիոն դատարանի համապարասիսան մասնագիտացում ունեցող դատավորների միջև, բացառությամբ սույն հոդվածի 24-րդ մասով սահմանված դեպքի:

24. Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված գործերը ենթակա չեն վերաբաշխման հակակոռուպցիոն դատարանին, եթե տվյալ գործով անցում է կատարվել դատաքննության փուլ»:

«Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասի համաձայն՝ «Սույն օրենքն

ուժի մեջ մտնելուց հետո Հայաստանի Հանրապետության առաջին արյանի ընդհանուր իրավասության դատարանների վարույթում գտնվող կոռուպցիոն հանցագործությունների վերաբերյալ գործերը վերաքաշիվում են հակակոռուպցիոն դատարանի դատավորների միջև, եթե տվյալ գործերով անցում չի կատարվել դատաքննության փուլ»:

12.2. «Նորմատիվ իրավական ակտերի մասին» ՀՀ օրենքի 39-րդ հոդվածի համաձայն՝ «1. Եթե օրենսդրության մեջ բացակայում է կոնկրետ հասարակական հարաբերությունը կարգավորող իրավական նորմը, սակայն օրենսդրությամբ սահմանված է համանման հարաբերությունները կարգավորող այլ իրավական նորմ, ապա այդպիսի հարաբերությունների նկատմամբ (եթե դա չի հակասում դրանց էությանը) կիրառվում են համանման հարաբերություններ կարգավորող իրավական նորմերը (օրենքի անսալոգիա): (...):»

3. Օրենքի կամ իրավունքի անսալոգիա չի կարող կիրառվել, եթե դրանով սահմանափակվում են անձանց իրավունքները, ազատությունները, կամ նրանց համար նախատեսվում է նոր պարտականություն կամ պարասխանսարվություն, կամ խարացվում են նրանց նկատմամբ կիրառվող պարասխանսարվության, հարկադրանքի միջոցները կամ դրանց կիրառման կարգը, հարկերի, տուրքերի և այլ պարտադիր վճարների վճարման կարգը, անձանց գործունեության նկատմամբ հսկողություն ու վերահսկողություն իրականացնելու պայմանները և կարգը:

4. Օրենքի անսալոգիան և իրավունքի անսալոգիան կարող են կիրառվել միայն, եթե տվյալ օրենքով չի արգելվում անսալոգիայի կիրառումը»:

13. Նշված նորմերի համակարգային վերլուծությունից հետևում է, որ «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված ՀՕ-31-Ն ՀՀ օրենքով կատարված փոփոխության արդյունքում ՀՀ քրեական օրենսգրքի 296-րդ հոդվածի (համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածին) 3-րդ մասի 1-ին և 3-րդ կետով նախատեսված արարքներն այլևս չեն հանդիսանում կոռուպցիոն բնույթի հանցանքներ և ընդգրկված չեն ՀՀ քրեական օրենսգրքի հավելված N 1-ում, հետևաբար դրա վերաբերյալ վարույթներն ընդդատյա են առաջին ատյանի ընդհանուր

իրավասության դատարանին: Սակայն, կատարված փոփոխությամբ որևէ կարգավորում չի սահմանվել առ այն, թե արդյո՞ք այդ փոփոխությունը պետք է տարածվի Հակակոռուպցիոն դատարանում դատաքննության փուլում գտնվող նմանատիպ վարույթների վրա, այլ կերպ՝ արդյո՞ք այդ վարույթները ենթակա են վերաքաշխման, թե ոչ:

Այդուհանդերձ, դեռևս 2021 թվականի ապրիլի 14-ին ընդունված ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերով, ինչպես նաև «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասով սահմանվել է, որ ՀՀ առաջին ատյանի ընդհանուր իրավասության դատարանների վարույթում գտնվող կոռուպցիոն հանցագործությունների վերաբերյալ այն գործերը, որոնցով **անցում է կատարվել դատաքննության փուլ, ենթակա չեն վերաքաշխման հակակոռուպցիոն դատարանին:** Այսինքն, ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով, ինչպես նաև «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով լուծում է տրվել համանման իրավահարաբերությանը, ըստ որի՝ դատաքննության փուլ անցում կատարված լինելու դեպքում առաջին ատյանի ընդհանուր իրավասության դատարանի վարույթում գտնվող վարույթի փոխանցումը Հակակոռուպցիոն դատարան իրավաչափ չէ:

13.1. Հաշվի առնելով, որ ինչպես «Հայաստանի Հանրապետության դատական օրենսգիրք» սահմանադրական օրենքը, այնպես էլ ՀՀ քրեական դատավարության օրենսգիրքը չեն արգելում անալոգիայի կիրառումը, ինչպես նաև այն, որ տվյալ պարագայում անալոգիայի կիրառումն անձանց իրավունքները, ազատությունները չի սահմանափակում կամ նրանց համար նոր պարտականություն կամ պատասխանատվություն չի նախատեսում՝ գտնում ենք, որ Հակակոռուպցիոն

դատարանների վարույթում գտնվող՝ «ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի հիման վրա առաջին ատյանի ընդհանուր իրավասության դատարաններին ընդդատյա վարույթների վերաբաշխման հարցը պետք է լուծվի ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն օրենքի 19-րդ հոդվածի 23-րդ և 24-րդ մասերին և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքի 7-րդ հոդվածի 2-րդ մասին համահունչ: Այլ կերպ՝ այն վարույթները, որոնցով Հակակոռուպցիոն դատարանն անցում է կատարել դատաքննության (հիմնական դատալսումների) փուլ, ենթակա չեն վերաբաշխման առաջին ատյանի ընդհանուր իրավասության դատարանին:

14. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը 2023 թվականի օգոստոսի 14-ին կայացած դատական նիստի ընթացքում անցում է կատարել հիմնական դատալսումների փուլ⁷:

- Հակակոռուպցիոն դատարանը որոշում է կայացրել վարույթն ըստ ընդդատության Երևան քաղաքի առաջին ատյանի ընդհանուր իրավասության քրեական դատարան փոխանցելու մասին՝ փաստելով, որ համաձայն «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի՝ մեղադրյալ Վարդգես Չրիկյանին վերագրվող փողերի լվացումն այլևս չի հանդիսանում կոռուպցիոն բնույթի հանցանք⁸:

- Երևան քաղաքի առաջին ատյանի ընդհանուր իրավասության քրեական դատարանն արձանագրել է, որ Հակակոռուպցիոն դատարանը գործն ըստ առարկայական ընդդատության ուղարկելու մասին որոշում չէր կարող կայացնել, քանի որ ընդդատության կանոնների պահպանմամբ վարույթ ընդունված քրեական գործի ընդդատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից:

⁷ Տե՛ս քրեական վարույթ, հատոր 9, թերթեր 149:

⁸ Տե՛ս սույն որոշման 5-րդ կետը:

Միաժամանակ արձանագրելով, որ թիվ ՀԿԴ/0049/01/23 քրեական գործով Հակակոռուպցիոն դատարանն անցում է կատարել հիմնական դատալսումների փուլ, Երևան քաղաքի առաջին ատյանի ընդհանուր իրավասության քրեական դատարանը գտել է, որ քրեական գործը ենթակա չէր փոխանցման առաջին ատյանի ընդհանուր իրավասության դատարան⁹:

15. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով նախատեսված իրավակարգավորումների լույսի ներքո, թիվ ԵԴ1/0591/01/24 (ՀԿԴ/0049/01/23) քրեական վարույթը ենթակա չէր վերաբաշխման առաջին ատյանի ընդհանուր իրավասության դատարանին, քանի որ սույն վարույթով Հակակոռուպցիոն դատարանն անցում է կատարել հիմնական դատալսումների փուլ:

16. Վերոշարադրյալը հիմք է տալիս փաստելու, որ Երևան քաղաքի առաջին ատյանի ընդհանուր իրավասության քրեական դատարանի հետևությունն այն մասին, որ թիվ ԵԴ1/0591/01/24 (ՀԿԴ/0049/01/23) քրեական վարույթը ենթակա չէր փոխանցման առաջին ատյանի ընդհանուր իրավասության դատարան, հիմնավոր է:

17. Միաժամանակ հարկ է արձանագրել, որ Երևան քաղաքի առաջին ատյանի ընդհանուր իրավասության քրեական դատարանի այն դատողությունը, որ ընդդատության կանոնների պահպանմամբ վարույթ ընդունված քրեական գործի ընդդատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից, ընդունելի չէ:

18. Վերոգրյալի հիման վրա, ինչպես նաև, ելնելով արդարադատության շահի պաշտպանության և վարույթի արդարացիության ապահովման՝ ողջամիտ

⁹ Տե՛ս սույն որոշման 6-րդ կետը:

ժամկետում քննության անհրաժեշտությունից, գտնում ենք, որ թիվ ԵԴՆ/0591/01/24 (ՀԿԴ/0049/01/23) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Վարդգես Հայկի Չրիկյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 266-րդ հոդվածի 3-րդ մասի 2-րդ կետով, 190-րդ հոդվածի հոդվածի 3-րդ մասի 1-ին կետով և Լիա Ռուստամի Չրիկյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 38-190-րդ հոդվածի 3-րդ մասի 1-ին կետով թիվ ԵԴՆ/0591/01/24 (ՀԿԴ/0049/01/23) քրեական վարույթն ընդդատյա է Հակակոռուպցիոն դատարանին:

**ՀՀ ՎՃՌԱԲԵԿ
ԴԱՏԱՐԱՆԻ ՆԱԽԱԳԱՀ
ԼԻԼԻԹ ԹԱԴԵՎՈՍՅԱՆ**

**ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ**

**ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱԿՈՐՈՒՊՑԻՈՆ
ՊԱԼԱՏԻ ՆԱԽԱԳԱՀ
ԱՐԹՈՒՐ ԴԱՎԹՅԱՆ**